



Školske novine "Odlikaš"

Prvo polugodište ,2024/25.god.





Sadržaj

Početak nove školske godine.....	3
Prvačići dobili poklon bonove.....	4
Jesenji izlet.....	5
Dan Općine Banovići.....	6
Na krilima sporta.....	7
Jesenja izložba likovnih radova.....	8
Evropski dan jezika.....	9
Svjetski dan učitelja.....	10
Dani jabuke.....	11
Kralj Tvrtko I Kotromanić.....	12
Takmičenje "Misli mine".....	13
Okrobar-mjesec knjige.....	14
Sajam zdrave hrane.....	15
Šampioni znanja.....	16
Mjesec borbe protiv blesti ovisnosti.....	17
Radionica "Kupujmo domaće".....	18
Dan državnosti Bosne I Hercegovine.....	19
Priredba povodom Dana državnosti BiH.....	20
Zajednička priredba svih Osnovnih škola povodom Dana državnosti.....	21
Poklon paketići našim učenicima.....	22
Dan planina.....	23
Domaćini takmičenja u malom nogometu.....	24
Dan rudara.....	25
Zabavna strana.....	26



**Dragi školarci ,sretan
početak nove školske
godine !**

***Javna ustanova Osnovna škola „Seona“Aljkovići,Banovići
Školski list „ODLIKAŠ“***

Izdavač:Javna ustanova Osnovna škola „Seona“Aljkovići

Aljkovići bb,Banovići

Telefon:035 883 440

E-mail:os.seona@montk.gov.ba

REDAKCIJA

Urednik:Amra Mehić,prof.tehničkog odgoja i informatike

Lektor:Nermina Hodžić,prof.bosanskog jezika i književnosti

Tehnička obrada:Amra Mehić,voditeljica novinarske sekcije

Nermina Hodžić,voditeljica literarne sekcije

Amira Mrkonjić,voditeljica likovne sekcije

Članovi novinarske sekcije:

- Durgutović Aldina***
- Mušanović Mirha***
- Kurtić Anes***
- Mušanović Aziz***
- Ikanović Kenan***

***List je osnovan Odlukom NV OŠ“Seona“ od
12.10.2023.god.***

Tiraž:50 primjeraka

Štampa:d.o.o“Rizvić Print“ Banovići





PRVAČIĆI DOBILI POKLON BONOVE

Danas su našu školu posjetili gosti iz Općine Banovići i u ime općinskog načelnika ,učenicima prvog razreda podijelili poklon bonove u iznosu od 100 KM.





Jesenji izlet


Na izletištu Prokop u blizini naše škole ,realizovan je jesenji izlet. Polazak ispred školskog dvorišta bio je u 9:00 sati. Učenici su vrijeme na izletu proveli kvalitetno u zdravoj igri i rekreaciji. Nakon nekoliko provedenih sati na prelijepom sunčanom danu i čistom zraku,uslijedio je povratak kući.





DAN OPĆINE BANOVIĆI

Dan Općine Banovići, najznačajniji dan u historiji Banovića. Prije 28 godina združene jedinice Drugog i Trećeg korpusa Armije Republike Bosne i Hercegovine oslobodile su Aljkoviće i Seonu i donijele Banovićanima slobodu. Danas Banovići su dokaz da nada u bolje i ljepše sutra ipak živi. Učenici P.Š. "Seona", kroz igru i zabavu, na prigodan način uz pomoć učiteljice Nihade Rahmanović obilježili Dan općine





„Na krilima sporta“

U okviru obilježavanja Dana općine Banovići održana je školska sportska manifestacija pod nazivom NA KRILIMA SPORTA.

Aktivnosti :

1. razred-poligon s preprekama-aktivnost;
- 2.razred-poligon spretnosti-takmičenje;
- 3.razred-poligon spretnosti-takmičenje;
4. razred-trčanje 60 metara-takmičenje;
- 5.razred-trčanje 60 metara-takmičenje;
- 6.razred-trčanje 60 metara-takmičenje;
- 7.i 8.razred-biciklističke vještine;

Naša škola je uzela učešće u ovoj manifestaciji ,učenici su stigli u 13:00 sati i imali aktivnosti do 17:00 kada su





Jesenja izložba likovnih radova

Naši učenici svake godine svoje učionice pretvore u jesenje ruho. Njihovi radovi pričaju jesenje priče, svaka na svoj način posebna.

U ovoj prelijepoj izradi likovnih radova učestvovali su svi čenici centralne škole „Aljkovići, te područne škole „Ježevac. U svemu tome su im pomogli učitelji i nastavnici likovne kulture.





Evropski dan jezika

U kombinaciji jezičke i informatičke pismenosti, nastavnica njemačkog jezika Amra Imamović, u saradnji sa nastavnicom informatike Amrom Mehić u prostorijama naše škole zajedno sa učenicima viših razreda naše škole su svečano obilježile Evropski dan jezika.

Događaj je posvećen slavlju jezične raznolikosti. Evropski dan jezika se temelji na inicijativi Vijeća Europe od 6. decembra 2001. godine, a obilježava se 26. septembra.

Opšti cilj obilježavanja Evropskog dana jezika je upozoriti javnost na važnost učenja stranih jezika i raznolikost raspona naučenih jezika kako bi se povećala višejezičnost i međukulturalno razumijevanje te propagirati bogatu jezičnu kulturnu raznolikost i potaći cjeloživotno učenje jezika u školi i van nje.





Svjetski dan učitelja

Svjetski dan učitelja, koji se obilježava 5. oktobra, posvećen je slavljenju i priznavanju važnosti rada učitelja širom svijeta.

Ovaj dan je prilika da se istakne ključna uloga učitelja u obrazovanju i formiranju budućih generacija. Njihov trud i posvećenost ne samo da prenose znanje, već oblikuju karakter, razvijaju vrednosti i podstiču ljubav prema učenju. Svetski dan učitelja podsjeća nas na izazove s kojima se oni suočavaju i naglašava potrebu za kontinuiranom podrškom i poboljšanjem uslova rada. Kroz ovaj dan, iskazujemo zahvalnost za njihov neprocenjiv doprinos društvu. Taj je dan prilika da se pokaže da je rad učitelja prepoznat kao jedan od najvažnijih za ukupan razvoj društva, te da se kao takav i cijeni. Cilj Svjetskog dana učitelja je mobilizirati podršku za nastavnike kako bi se osiguralo da će učitelji i dalje ispunjavati potrebe budućih generacija, te podići obrazovanje na razinu društvene važnosti i izvući učitelje iz poluanonimnosti i dati im društvenu važnost koju zaslužuju.

Dragi učitelji hvala vam što ste čuvali, stvarali i brinuli se. Ovom divnom danu učenici II. I IV.razreda sa učiteljicom Mešić Dzevadom, kroz radionicu obilježili ovaj značajan datum.





Obilježen Dan jabuke u P.Š "Seona"

„Jedna jabuka na dan tjera doktora iz kuće van!” najpoznatija je narodna poslovice koja govori o jabuci kao kraljici voća. Sve je počelo još 1990. godine u Londonu s ciljem upoznavanja zdravstvenih kvaliteta jabuke i mnogobrojnih njezinih sorti. Jabuka je predstavljena kao simbol fizičke, kulturne i genetske raznolikosti koju je neophodno očuvati, a s vremenom su tradiciju obilježavanja Dana jabuka u svijetu prihvatile brojne škole, restorani, organizacije ističući tako važnost jabuke u zdravlju i prehrani ljudi. Da je ova voćka, bila ona slatka ili kisela, zelena, žuta ili crvena, bogata vitaminima i kalcijem danas su naučili naši učenici. Znaju oni nakon današnjeg dana da je jabuka voće koje u sebi sadrži i do 90% vode pa da zbog toga odlično osvježava i gasi žeđ.





KRALJ TVRTKO I KOTROMANIĆ

U našoj školi svečano je obilježen 26.oktobar Dan krunisanja prvog bosanskog kralja Tvrtka I Kotromanića. Za obilježavanje ovog značajnog datuma iz historije Bosne zadužena je bila nastavnica Sifa Junuzović. Obilježavanje je proteklo kroz niz planiranih aktivnosti u školi u kojim u učešće uzeli svi učenici. Održana je priredba sa sljedećom sadržajem:

-spot pjesme kralj Bosne

-referat na zadanu temu pročitala je Adna Kalabić,učenica VIII razreda

-predstava krunisanja prvog bosanskog kralja Tvrtka I Kotromanića (učenici IX razreda)

-dvije recitacije Zapis o Zemlji i Moja domovina Bosna i Hercegovinaa(učenice VII razreda)

-prezentacija na zadanu temu.

Osim priredbe učenici i nastavnici su pripremili panoje i izložbu radova.





TAKMIČENJE „MISLI MINE“

Naši učenici su učestvovali na prvom ovogodišnjem takmičenju a na 25.općinskom takmičenju "Misli mine" i osvojili 3.mjesto.

Ekipu su činili: Kundak Ajnur, Handžić Amina i Merdanović Dalila (učenici VII razreda).

Čestitamo učenicima i mentoru, nastavniku Ejubović Nedžad.





Oktobar

mjesec knjige

Mjesec oktobar se obilježava kao mjesec knjige s ciljem promovisanja pisane riječi kao i promicanja svijesti o važnosti čitanja . Knjige,ne samo da obogaćuju naš rječnik nego nam pružaju i posebno zadovoljstvo i put u sasvim novi svijet. Povodom obilježavanja ovog značajnog mjeseca ,naši učenici u saradnji sa nastavnicom bosanskog jezika i književnosti Nerminom Hodžić,učestvovali su u raznim aktovnostima koje smo sprovedli u našoj školi .Cilj svih aktivnosti bio je da razmislimo o svom odnosu prema knjigama kao i da ukažemo na važnu ulogu knjige,kako u obrazovanju ,tako i u svakodnevnom životu. Nakon svih sprovedenih aktivnosti učenici su uradili panoe s kojih su poslali poruku koja glasi: "Čitanje tvojoj mašti daje krila". I zato...čitajte!





Sajam zdrave hrane

anas je u našoj školi održana manifestacija "Sajam zdrave hrane" koju je organizovalo vijeće roditelja naše škole .Cilj manifestacije je bio promocija zdrave ishrane tradicionalne Bosanske hrane. Sajam je bio prodajnog karaktera ,te sva sredstva koja su prikupljena biti će iskorištena za potrebe učenika naše škole. Naše roditeljke su se potrudile da pripreme raznoliku hranu i druge domaće proizvode .Sajam je bio posjećen i od strane gostiju iz Banovića te im se zahvaljujemo što su posjetili našu školu i uveličali ovaj događaj. Također se zahvaljujemo našim organizatoricama ,vijeću roditelja,našim roditeljicama





Šampioni znanja

Danas su uručena priznanja učenicima osnovnih i srednjih škola sa općine Banovići za uspješan rad u dosadašnjem školovanju i primjernom vladanju pod nazivom -"ŠAMPIONI ZNANJA". Iz naše škole ,priznanje je dobila učenica Durgutović Aldina. Zahvalnicu za učešće u organizaciji manifestacije dobio je direktor naše škole -Varešević Senad. Naša učenica, Emana Salanović uz pratnju nastavnika Čeragić Aldina, izvela je sevdalinku "S one strane Plive". Manifestacija je održana u BKC Banovići.





Mjesec borbe protiv bolesti ovisnosti

Povodom početka obilježavanja "Mjeseca borbe protiv bolesti ovisnosti" voditeljica sekcije "Borba protiv opojnih sredstava" prof. Amra Imamović sa koordinatoricom prof. Amrom Mehić, pripremila je za učenike viših razreda te starijih odgojno-obrazovnih skupina prikladne aktivnosti.

"Mjesec borbe protiv bolesti ovisnosti" obilježava se svake godine od 15. novembra do 15. decembra, s ciljem podizanja javne svijesti o važnosti suzbijanja problematike zlouporabe droga i ovisnosti. Edukacijom, podrškom i promicanjem zdravih aktivnosti, škole mogu odigrati ključnu ulogu u prevenciji ovisnosti među mladima, gradeći temelj za zdravo i produktivno odrastanje.





Radionica „Kupujmo domaće“

Cilj ovog programskog zadatka je unapredjenje znanja, podizanja svijesti i osjećaja važnosti za kupovinu domaćih proizvoda. Mišljenja smo da će na taj način BH ekonomija dobiti jasnu podršku i snažan poticaj svom razvoju. Osjećaj pripadnosti, osjećaj svoga nešto je što nam nedostaje i bez čega neće biti lako otvoriti nove vidike i razvojne prostore.

P.Š "Ježevac", pridružili su se ovoj kampanji te su izradom plakata domaćih proizvoda još jednom podstakli na važnost i kupovinu istih. Cilj radionice je još jednom pokazati koliko volimo našu BiH i domaće proizvode.





Radionica Dan državnosti BiH

Dan državnosti BiH obilježava se 25. novembra i predstavlja jedan od najvažnijih datuma naše zemlje. Povodom ovog značajnog dana, učenici su zajedno sa svojim učiteljicama centralne škole Aljkovići te područne škole „Seona“ organizovali izložbu svojih radova, da bi istakli važnost ovog događaja.





Priredba povodom Dana državnosti BiH

Povodom Dana državnosti Bosne i Hercegovine, u centralnoj školi Aljkovići, održana je priredba koju su organizovale učiteljice naše škole.





Zajednička priredba svih osnovnih škola Općine Banovići

Domovini na dar ,

uvod je u priredbu koju su organizovali učenici i nastavnici svih Osnovnih škola sa Općine Banovići kao poklon domovini povodom Dana državnosti.

Kako se domovina voli i poštuje pokazali su nam učenici svih škola ali i roditelji i nastavnici koji su to sve ispratili iz pozorišne sale Radničkog doma Banovići.





Poklon paketići našim učenicima

Svake godine Selo Mira Turija obraduje naše učenike novogodišnjim paketićima, pa su tako i ove godine ponovo pokucali na vrata naše škole i obradovali naše učenike. Ovom prilikom se zahvaljujemo Selu Mira te im želimo mnogo sreće i uspjeha u radu.

Također se želimo zahvaliti gospodinu Begi Salanoviću koji je obradovao naše učenike paketićima.





Hajdemo u planine, jer tamo "nema zime"!

Povodom obilježavanja Međunarodnog dana planina učenici i nastavnici OŠ "Seona" danas su na koti Prokop i istoimenom izletištu imali nastavu u prirodi. Akcenat je stavljen na važnostima i koristima planina za ljudski život, razvijanje svijesti o značaju očuvanja planina i prirode uopšte, orijentaciji u prirodi, historiji užeg zavičaja. Predavanja su imali nastavnici: Ejubović Nedžad, Sifa Junuzović, Amra Husić, te učiteljice sa svojim razredima: Mešić Dževada, Mrkonjić Amira, Kovačević Naida i Rahmanović Nihada.

Sve je na kraju krunisano





Domaćini takmičenja u malom nogometu

OŠ "Seona" Aljkovići danas je bila domaćin općinskog takmičenja učenika osnovnih škola sa područja općine Banovići u malom nogometu. Takmičenje je provedeno u saradnji sa školskim sportskim društvom općine Banovići.

Na takmičenju su učestvovali učenici iz svih pet osnovnih škola sa područja općine Banovići, a takmičili su se u tri kategorije:

- dječaci V-VII razred,
- dječaci VIII- IX razred,
- djevojčice V-IX razred.

Pobjedničke ekipe su:

- dječaci V-VII razred- OŠ "Banovići Selo",
- dječaci VIII- IX razred- OŠ "Banovići",
- djevojčice V-IX razred- OŠ "Banovići".

Najboljim ekipama i njihovim nastavnicima uručene su diplome, pohvale i zahvalnice.

Čestitke pobjednicima, a svima ostalima zahvala za učešće i fer igru.





DAN RUDARA

Učenici naše škole su kroz likovne i literarne radove obilježili Dan rudara-21.decembar.

Još jednom su naši učenici pokazali kreativnost i maštu te su dobili nagrade i zahvalnice na takmičenju u likovnim i literarnim radovima.

Naše učenice Skopljak Elma i Merdanović Dalila dobile su nagradu za likovni rad, dok je učenica Durgutović Aldina dobila nagradu za literarni rad na temu Dan rudara.

Također su ostali učenici bili kreativni pa su zajedno sa učiteljicom Amirom Mrkonjić, voditeljicom likovne sekcije, pokazali svoju kreativnost kroz likovne radove na temu Dan rudara.






Zabavna strana

SLIKOVNI SUDOKU


Popuni prazna polja tako da svaki stupac, svaki redak i svaki od 4 velikih kvadrata sadrži po jednu od četiri različite slike.



ZAGONETKE

Sladak sam kao šećer,
I hladan sam kao led.
Ako me na toplo staviš,
Više nisam....

Malen sam, nisam visok,
Ni previše snažan,
Svoju kuću nosim,
I pravim se važan.
Ko sam ja? _ _ _



A	E	C	N	U	S	M
L	E	P	T	I	R	B
E	D	U	G	A	U	B
Č	A	M	V	A	R	A
P	T	E	J	I	V	C



Rješenje osmosmjerke će ti otkriti
TKO SE TO SAKRIO U TRAVI?

